



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-706/25-2
Sarajevo, 26.3.2025. godine

**ČLANOVIMA
PARLAMENTARNE KOMISIJE
ODGOVORNE ZA REVIZIJU**

Dana 26.3.2025. godine održana je 15. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovali su svi članovi Komisije, samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 15. sjednici prisustvovala je i Nina Džidić, zamjenica generalnog revizora u Uredu za reviziju institucija u Federaciji BiH.

Predsjednik Komisije je predložio **dnevni red** koji je jednoglasno usvojen, a koji glasi:

1. Usvajanje zapisnika sa 14. sjednice Parlamentarne komisije odgovorne za reviziju,
2. Prijedlog konačnog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu,
3. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. **Usvajanje zapisnika sa 14. sjednice Parlamentarne komisije odgovorne za reviziju,**

Komisija je razmatrala zapisnik sa 14. sjednice Parlamentarne komisije odgovorne za reviziju i jednoglasno ga usvojila.

2. **Prijedlog konačnog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu,**

Predsjednik Komisije podsjetio je članove da su na prethodnoj sjednici usvojili Zaključak kojim se utvrđuje mogućnost dostavljanja prijedloga zaključaka sekretaru Komisije najkasnije do 15. marta 2025. godine. Ovi prijedlozi će biti uvršteni u konačni Prijedlog izvještaja

Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu.

Sekretar Komisije je zaprimljene prijedloge zaključaka evidentirao, sistematizirao i uvrstio u konačni Prijedlog izvještaja, koji je potom dostavljen uz poziv za sjednicu članovima Komisije na daljnje razmatranje i usaglašavanje.

Predsjednik Komisije je otvorio raspravu.

Nakon detaljne i sveobuhvatne rasprave, članovi Komisije su jednoglasno usvojili sljedeće zaključke:

1. Komisija je ocijenila da prijedlozi zaključaka pod rednim brojevima 12. i 13. zahtijevaju dodatno obrazloženje kako bi se osiguralo njihovo preciznije tumačenje i bolje razumijevanje. Shodno navedenom, obrazloženja koja su prvobitno dostavljena uz prijedloge zaključaka 12. i 13. će se uvrstiti u tekst Prijedloga izvještaja.
2. Komisija je odlučila da se u Prijedlog izvještaja uvrsti novi zaključak kojim se od Vlade Federacije BiH traži da donese ili eventualno izmjeni važeće propise, a koji se odnosi na poslovanja "kćerki-firmi" javnih preduzeća, a čije je sjedište u Federaciji BiH, gdje je Vlada Federacije BiH većinski vlasnik, na način da firme kćerke podliježu istim propisima kao i njihova matična preduzeća, koja su ih osnovala.
3. Komisija usvaja Prijedlog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu, sa izmjenama i dopunuma utvrđenim na sjednici Komisije.

Sekretari Komisije će usvojeni Izvještaj dostaviti u dalju parlamentarnu procedure i svim revidiranim subjektima koji su obuhvaćeni ovim Izvještajem.

